



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Apotheca Spiritvalivm Pharmacorvm Contra Lvem  
Contagiosam Aliosqve Morbos**

**Wichmans, Augustin**

**Antverpiae, 1626**

Ivnivs.

**urn:nbn:de:hbz:466:1-9653**

quod olim longè amplissimum fuit, vt antiqua mænia seu muri, in agro suburbano extantes etiamnum testantur: vt non sit mirum ad has tres nominatissimas vrbes, missos fuisse à S. Petro Apostolo, tres sacrosistos Triumuiros, Eucharium, Volerium & Maternum (de quibus in Apotheca mea egi) qui sedem Pontificiam Treuitis statuerunt; vt è qua ciuitate ceu Regia, iura prophana reddebantur, redderentur & sacra, fidesque Christiana facilius è fonte, in riuos dimanaret.

## I V N I V S.

14. Jun.

*Decimo octavo Kalend. Iulij.*

Vide cap.  
33. Apot.  
Spir. fol.  
256.

Panormi in Sicilia S. Roseleæ virginis ex sanguine regio oriundæ, quæ anno 1624. diuinitus inuenita, Siciliam à peste postmodum liberauit, & deinceps præseruauit.

**D**E hac sancta virgine deque gloria eius Inuentione ac sacro Triumpho Panormi exhibito alijsque miraculis, plura in dies expesto.

16. Jun.

*Sextodecimo Kalend. Iulij.*

Vide cap.  
36. Apoth.  
spirit. fol.  
190.

Misnæ in Germania S. Bennonis Episcopi & Confessoris, quem Bavaria tamquam fidelem contra pestem Tutelarem colit.

**T**Rithemius abbas, exposcente Georgio duce Saxoniæ, pro huius sancti canonizatione, ad Julium Papam inter cetera ita de hoc scripsit: Vita Bennonis sanctissima, plena virtutibus, à vetustioribus suisque contemporaneis luculenter habetur descripta, & multa quotidie in Ecclesia Misnensi ad eius tumulum fiunt miracula. Postea verò Hadrianus VI. qui solo Leone XI. intermedio, Iulium immediate secutus est, Bennonem, & Antoninum

ninum Archiepiscopum Florentinum, sanctorum numero adscriptum anno 1523. solenniterque S. Bennonis retulit ad 16. Junij, editique plenariam indulgentiam ea die Misnensem Ecclesiam visitantibus. Diploma Pontificium Canonizationis hactenus afferatur Romæ in Ecclesia S. Mariæ de Anima, nationis Teutonicorum.

Pridie Kalend. Julij.

30.Iun.

Lemouicis in Gallia S. Martialis Episcopi cum  
duobus presbyteris Alpiniano & Austriclinia-  
no, quorum vita miraculorum signis admo-  
dum effulsit.

Vide cap.  
35. Apoth.  
spirit. fol.  
188.

**I**N Apotheca mea cap. de S. Martiali, dixi hunc meritò vocandū esse Galliæ Apostolum, ita enim à sede Apostolica definitū reperio. Anno siquidem 1029. Lemouicis celebrata est Synodus sub Gauselino Archiepiscopo Bituricensi, & Iordano Episcopo Lemouicensi in causa tunc téporis in Aquitania controuerſa, nimirum, essetne hic Sanctus Episcopus in sacris precibus vocandus *Apostolus*, sicuti in Ecclesia Lemouicensi hactenus siebat: contradicentibus nonnullis atque contendentibus non *Apostolum*, sed, *Confessorem* tantummodo nominandum esse. Ad cuius controuerſiæ decisionem non solum iam dicta Synodus, sed & Bituricensis ac Piëtauiensis celebratæ fuerunt; tandemq; à Ioanne XII. Pontifice Rom. rescriptum fuit, S. Martialem Apostolum dici ac vocari debere. Potuisse quidem hoc citius amica sententia definiri, nempe non tantum illos Duodecim, sed & reliquos Discipulos dictos reperiri *Apostolos*; insuper & in Ecclesia eo nomine decoratos omnes qui legitimè missi ab Apostolica Sede, populos ad fidem Christianam conuerterent: verum cum semel quid deducitur in controuersiam, crescentibus studijs, quamuis minimum, in immensum augeri solet. Ex eo insuper quod hic sanctus Episcopus vocet se in epistolis suis, *Martialem Cepham*, suspiciuntur olim nonnulli, huncesse eumdem illum Cepham cui Paulus dicit se in faciem restitisse, ad Galatas 2. quod quam probabiliter dicatur, vide apud Baron. & eius loci Cōmetatores, quoī recepta sententia est, Apostolū Petru ibi intelligi.

Baron.  
anno.  
1029.

D 2

JVLIVS